

الثوابت الدعوية - الدكتور فريد الانصاري رحمه الله

فريد الأنصاري

اما بعد نحاول بحول الله عز وجل في هذا اللقاء المبارك ان نتابع بعض قواعد الدعوة الى الله عز وجل القواعد التي تفيدنا في العمل التطبيقي تنزيل ونحن ندعو الى الله سبحانه وتعالى - [00:00:01](#)

وذلك انه لابد لكل داعية من بعض القواعد كما ذكرنا من قبل لابد له من قواعد تعينه ينضبط اليها حتى يكون كلامه نافذا باذن الله عز وجل واصلا الى مبتغاه - [00:00:18](#)

وهذه القواعد منها ما هو ثابت ومنها ما هو متغير وسنقف كلامنا بحول الله عز وجل اليوم على ما هو ثابت. يعني ان الانسان تعاطى للدعوة الى الله سبحانه وتعالى ومشتاغل بالهم الدعوي والديني بصفة عامة خصو واحد المجموعة ديال القوانين - [00:00:35](#)

واحد المجموعة ديال اركان ديال العمل الدعوي تكون راسخة في الدين ديالو ثابتة في الراس ديالو يستعملها دائما او في بعض الاحيان وذلك انه هاد الأمور لي نسميها القواعد الدعوية كاين فيها لي هو ثابت دائما غادي يلها قدامو محتاج ليها - [00:00:57](#)

وكاين اللي كيحتاجها مرة مرة حسب طبيعة هادوك الناس اللي كيتكلم معاهم حسب طبيعة العمل ديالهم او الثقافة ديالهم او البلاد اللي ساكنين او البيئة لي عايشين فيها كيخالفو ولكن بنادم كلو كيشترك فواحد القضايا ثلاثة على الأقل هادي غادي نركزو عليها وهذا هو لي مهم هداك المشترك لي يمكن لك تخاطب به العالم - [00:01:17](#)

الكلام ديالو كيوصل يمكن لك تخاطب به الانسان القريب والبعيد. يعني اي واحد في اي مستوى في اي مهنة في اي بيئة في اي مدينة الا وهو يمكن لك تخاطبو بهاد النوع ديال هاد الكلام هدا - [00:01:40](#)

هادي ثوابت الدعوة ثوابت ديالها بحال الارقان ديالها والواتاد ديالها لي واقفة عليهم هاد الثوابت او القواعد قلنا ثلاثة د الأشياء ثابتة المسألة لولى اننا نخاطبو انفسنا او نخاطبو الناس معنا فيما يتعلق بالجانب - [00:01:56](#)

وجود المسألة الوجودية وهاني غادي نشرحها ونبينها بحول الله عز وجل الأمر الثاني نخاطبو انفسنا ونخاطبو الناس معنا فيما يتعلق بإسلامية المسلم او بالصفة الإسلامية ديالو المسألة الثالثة والأخيرة نخاطبو بالمنطق ديال المنافع والمضار او المصالح والمفاسد. هاد الأشياء بتلاثة كلشي الناس محتاجين ليهم - [00:02:14](#)

جميع بلدان العالم المسألة الاولى اللي هي الجانب الوجودي يعني علاش انت موجود؟ هادي ما كاينشاي اللي ما كتهموش هاد القضية هادي ولذلك يعني كيمن لك دير موعظة في اي مكان تحرافلك تكلم فهاد الموضوع تقول اشنو قول ما لقيت ما تقول تكلم فهاد الموضوع غادي تصيب الهدف هذا الموضوع ديال - [00:02:40](#)

جميع الأماكن وجميع الأزمنة وجميع انواع ديال بنادم وجميع الجنسيات يكفي انك تعرف شي لغة اخرى تكلم فهاد الموضوع را غادي توصل ما عندوش علاقة هاد الموضوع بالخصوصيات البشرية ولا الجنسية ولا الإقليمية ولا الثقافية ما عندو حتى شي علاقة بالخصوصيات زعما - [00:03:01](#)

ان هاد الناس يصلح لهم هاد الكلام وهادو ما يصلح لهم هاد الكلام هادا يصلح لجميع الناس ولذلك الله عز وجل كان كيخاطب به الناس كاملين الناس كاملين - [00:03:21](#)

المسألة الوجودية كتعني كيما قلنا علاش انا موجود او علاش نتا موجود؟ يعني الهدف من الوجود دياك او من الخلقة دياك فملي كنبداو نتكلمو فهاد الموضوع كيكون الكلام كلو داير ورايح حول العلة ديال وجود الإنسان فالكرة الأرضية واش هو - [00:03:32](#)

الوجود ديالو غير عبث ولا لواحد الغاية مرسومة معينة ثم واش هو غادي يعيش ابدًا ولا لابد غتجي واحد الوقت يموت فيها؟ فهاد

المعاني كلها تخلي الإنسان يتشوق يعرف فعلا النتائج ديال الكلام كيتشوق يتابعوه حتى للنهاية ديالو لأنه هو فنفسو واخا عمرو ما تكلم بالكلام ديالو فنفسو كيطرح - [00:03:51](#)

الأسئلة هادي وحتى لما كيطرحهاش كتكون غير مغطيه نتا كتنبشها وهي تنوض تبقى تجي للبال هادي مسألة فطرية فبنادم طبيعية خلقها الله فالانسان وهو ان انه الانسان كيخصو يعرف وكيبغي يعرف المأل ديالو يعني المصير ديالو من بعد علاش؟ لأنه الإنسان سبحانه الله العظيم التركيبه ديالو فيها - [00:04:11](#)

جوج ديال الأنواع مركب من جوج د الأنواع وهاد جوج د الأنواع متناقضين متنافرين وحدة ضد لخرى النوع اللول هو البدن ديالو الطين لي تخلق منو والجانب والروح ضد الطين. متناقضين متنافرين. علاش؟ لأنه الطين فاني. يعني ينتهي. فاني كيفنى. والروح - [00:04:32](#)

خالد مكيفناش فإذا بما انه فيه هاد جوج دالنوع هكدا متنافرين لأننا حنا فالحياة الدنيا لي باين لينا وكنحسو بيه ونشعرو بيه هو الجانب الطيني ديانا هو البدن ديانا - [00:04:52](#)

لأن هاد الدنيا دنيا الطبيعة ديالها حيوانية يعني بنادم كياكل ويشرب وينعس الطبيعة ديالها حيوانية والآخرة الطبيعة ديالها ماشي حيوان الأخيرة الطبيعة ديالها روحانية فإذا الإنسان ها هو عايش فالطبيعة الحيوانية ديال الدنيا كياكل ويشرب ويخدم ويتمتع ويتزوج الى اخره - [00:05:05](#)

حيوانية عند البهايم كاملين ولكن ماشي من عند هادشي الروح مكيفناش فيه راه كاين داكشي باش حي كون مكانت فيه يموت هاديك الروح الناس يا اما راها مغطيه عندهم بذاك التراب ديال الطين يا اما انها فايقة والمهمة ديال الدعوة تفيق الروح فالانسان - [00:05:25](#)

ملي تفيق فيه الروح كيولي عنده واحد القلق شنو هو هاد القلق هو الروح محب للخلود لأن الطبيعة ديالو هي الخلود ماشي الموت ماشي الفناء كيبدا يقلب على وكيبدا يعني عايش فواحد القلق من كون البدن غادي يموت غادي يفنى اذن كيبغي فعلا يلقى اجوبة اللي تعطيه - [00:05:42](#)

اطمئنان بأنه مغاديش يفنى وخا غادي يموت وانه الموت بالنسبة اليه مكتعنيش نهاية الحياة بل هي استئناف وتجديد الحياة الأخرى ولذلك المنطق الإيماني مقبول عند الإنسان واخا يكفر واخا يلحد يدير لي بغا المنطق الإيماني بصفة عامة مقبول وعنده القبول - [00:06:02](#)

خاص غير لي يعرف يوصلو لا اقل ولا اكثر اذن من بين الأشياء لي تساعدك باش توصلو فعلا للمنطق الإيماني لي توصلو للناس هادي هاد القضية ديال الوجود علاش حنا موجودين - [00:06:22](#)

والحياة ديانا والغاية ديانا واخا تشوف بنادم بارك قدامك بحال حجرة كاع ما كيتحرك را داكشي لداخل فيه كيتحرك هادشي ديال الدين يلمس هاد الأشياء داير بحال الشتا كطيح الشتا وكتبان لك ما تغير والو كدوز واحد تلتيام ولا ربعيام ولا سيمانة - [00:06:34](#) فلرض بدات تنبت بديك الشتا ديال شحال هادي فلذلك حتى بنادم كطيح عليه الشتا وسير كتقدر ما يبان لك والو ديك الساعة كيقدّر يبان ولكن واخا مايبان فيه والو غادي يعطي النتيجة من بعد الا من - [00:06:53](#)

كتب الله عليه الضلالة هذا مكيفهمكشاي ولكن واحد الخير كبير في الأمة الإسلامية انها كتقبل الخير المنطق ديال الخير لأن امة مسلمة في نهاية المطاف فإذن ملي كتجب هاد العنصر هذا ديال الوجود ديال بنادم والمصير ديالو - [00:07:06](#)

تكون شديتلو فواحد العروة واحد يعني الجانب منو لي صحيح كتزلزلو وخا يكون الكلام ديك بسيط بأي لغة بالدارجة بالشلحة باش ما كان راك غادي تأثر بإذن الله عز وجل واحد المستوى معين ديال التأثير - [00:07:23](#)

وبهاد الاسلوب كم من امي امي وعرض واحد اكثر منه في العلم وجبدلو غير هادي كيزلزلو وكخليه بلا نعاس هادي كيحكيو عليها السابقين حكايات حكايات وشفنا فيها تجارب علاش؟ لأنه هاد القضية حتى واحد ما كبر منها القضية ديال الموت والوجود حتى واحد ما كبر منها تقرها حتى تشبع وكتبقا قضية الموت الموجود فوق منها - [00:07:40](#)

ما كيونش قضية القرابة والثقافة والعلم شي حاجة اللي واحد خير من لآخر فهاد المسألة حتى واحد ما خير من لآخر اللي خير من لآخر هو اللي خدام مزيان ان اكرمكم عند الله اتقاكم - [00:08:02](#)

هاد السياق اتقاكم ماشي اعلى منكم ولا افقهكم فهاد النقطة بالضبط والتقوى كيمكن للإنسان امي يحصل منها اشياء كثيرة ومراتب كثيرة اللي الإنسان العالم ما حصلهاش منها القضية ديال التقوى انما هي تتعلق بخشية الله - [00:08:13](#)

بالغيب كتخاف اله بالغيب وهذا ما محتاجش للقرابة. محتاج انك تحرك في الإنسان هاد الجانب الوجودي ديالو. علاش هو كاين له الخشية والخشوع والتقوى اذن هادي النقطة اللولة هادي ركن من اركان الدعوة الثابتة - [00:08:30](#)

هادي قاعدة مستقرة مستمرة دائما يمكن لك ديرها مقدمة لكلامك لي باغي تكلم عليه يمكن تختتم بها يمكن ديرها هي الموضوع الرئيسي ديال كلامك فينما خدمت بها توصل بإذن الله عز وجل - [00:08:47](#)

وهادي من الأشياء اللي الأمة الآن خصها تحرك فيها ان كان شوف شي جزئية من الجزئيات ولكن هادي هي هادي قاعدة كبيرة اساسية في الكلام والخطاب الديني ديالنا النقطة الثانية هي الصفة الاسلامية - [00:09:00](#)

لأن ملي تكلمنا على القضية الوجودية ديال الوجود ديالنا فالدنيا مازال ما وصلنا الإسلام حنا كانتكلما غير عالوجود حياة الموت الخلود والفناء ماكانتكلموش بالإسلام ديك الساعة بالتفاصيل ديالو لأن شنو هو الإسلام؟ هو الصلاة والصيام والزكاة هي الأعمال - [00:09:14](#)

اذن كنيجو عاود للإسلام هادي نقطة ثابتة حتى هي لأن كنتكلمو مع المسلمين وحتى ايبا تكلمنا مع الكفار خصنا الإسلام ماشي يآمن ويبقى في الهواء خصو يآمن ويدخل للدين والا راه بقى في الخلا الإسلام الصفة الإسلامية شي حاجة اللي هي اساسية الناس الآن ماواعيينش بالمعنى ديال كونهم - [00:09:30](#)

راه خصنا نفيقو هاد المعنى في الناس نفيقوه فنفسنا ونفيقوه فغيرنا كيقولو مسلمين وكفى يعني مسلمين بحال داك الشكل ديال الوراثة الدالة المدنية فلان بن فلان وكفا لقي الناس هاكا هو هكا وهذا ماشي معقول نهائيا وماشي هدا هو الاسلام في الحقيقة - [00:09:50](#)

الجوهرة ديالو الإسلام هو واحد الوعي بالانتماء لدين معين والوعي زعما كتفهم بأنك نتا من واحد الدين معين كتحمس بلي راك القلب ديالك ديالك كييجري فيه هداك الدين ولو ان هاد المعنى حصل للناس لي كون لقيت الجوامع ديال المغرب مكافيينش الناس فجميع الاوقات وجميع الحالات ولي كون لقيت - [00:10:05](#)

مفاسد المناكر مكيماش في البلاد وجود المناكر والمفاسد بالأشكال ديالها المرعبة والرهيبة دالة على ان الناس مامدوقينش اش هو الإسلام عارفين عارفينو معرفة عامة وصافي محاسينش بيه مكيجريش فالقلب ديالهم وفالدم ديالهم ولذلك خصنا نفيقو هاد المعنى هدا يعني الناس را حنا - [00:10:25](#)

مسلمين والمسلمين هاش كيقترضي راه ماشي معقول مسلم مكيصليش راه ممقبولاش مكيماش مكيماش في المنطق ديال الدين وخصنا نفهمو ونفهمو الناس بأنه راه انحراف على الإسلام يكون الإنسان مكيصليش في الإسلام - [00:10:45](#)

او ما كيزكيش او ما كيصومش او ما حشاي او عندو القدرة بش احج يعني اركان الإسلام بصفة عامة اللي كتسمى امهات الفضائل وما يتفرون الفروع ديال امهات الفضائل بحال الأمانة مثلا - [00:10:59](#)

من مقتضيات الصلاة الأمانة لي كيصلي ومفيهش الأمانة صلاتو ناقصة لأن من مقتضيات الصلاة الأمانة البر والإحسان والخير كلشي هداكشي كيتسمى من مقتضيات الصلاة من معاني الصلاة من معنى من معاني الصلاة ان الصلاة تنهى عن الفحشاء والمنكر اذن كون الانسان - [00:11:13](#)

مسلم خصها يعني تحقق فعلا ونخدمو باش يتحقق داكشي اللي قدرنا نخدمو فيه اذا يوعى الانسان بانه موجود باش يؤدي دور في الدنيا معنى الوجود موجود لاش؟ يؤدي واحد الدور رسالي يعني عندو رسالة في الحياة ماشي غير موجود باش ياكل ويشرب بحال البهيمة حتى يموت هادي ديال البهائم ولكن بنادم - [00:11:33](#)

موجود باش يؤدي واحد الدور فالحياة ديالو دور عالي ورفيع ثم هو موجود بعد ذلك بصفتو مسلم اذن خصو يحقق الصفة الإسلامية فيه ويراقب الإسلام ويراقب نفسه. واش بحال بحال ولا كاين فرق كبير - [00:11:54](#)

الى كاين فرق كبير قلب على الفرق بينو وبين الإسلام والإسلام بسيط ماشي شي حاجة مائعة تالفة قال فأخبرني عن الإسلام قال ان تشهد ان لا اله الا الله وان محمد رسول الله وتقيم الصلاة - [00:12:09](#)

وتؤتي الزكاة وتصوم رمضان وتحج البيت ان استطعت اليه سبيلا. هذا الاسلام وله فروع عنده واحد الاشياء ممتدة عليه حنا قلنا الصلاة ما زال من المعاني الخير والإحسان والبر والأمانة وكذا وكذا الى اخره - [00:12:19](#)

كل حاجة عندها معنى من المعاني ديالها اللي كتفرع عليها يتابع الإنسان اذن المعاني ديال الإسلام يتابعها ويحققها فنفسو وفالناس ويخدم عليها باش ترجع لأن ضاعت في اغلب احوالها واكثر اشكالها - [00:12:34](#)

النقطة الثالثة والأخيرة لي خصها تكون مضمون ديال الخطاب ديانا الكلام ديانا خصها تحضر فيه هي قضية المنافع والمضار او الخير والشر هي الثالثة كترتوبها هادشي راه مرتب يعني كل وحدة اللي رقم واحد راه واحد وتنين راه وتنين وتلاتة تلاتة واللي تلاتة متصلا حش تكون اتنين ولا تكون واحد - [00:12:47](#)

قضية المنافع والمضار يعني المنافع ديال بنادم لي حاجة لي كتنفعو والحاجة لي كضرو هذا منطق خصنا نتكلمو به مع الناس تا هو علاش؟ لأن بنادم كيقلب على اللي تنفعو - [00:13:07](#)

بطبيعته وكيخاف مني كضرو خصو يفهم بأن الدين راه كينفعو وبأن قلة الدين راه كضرو ماشي غير في المعنى ديال الآخرة لا معنى ديال الآخرة هو الإسلام تكلمنا عليه هادي في - [00:13:19](#)

ديال الدنيا يعني كون الخمر مثلا مضره للبدن خصو يفهم هادشي كتزيدولو على المعنى الوجودي والمعنى ديال الإسلام الصفة الإسلامية وتزيدو هادي لا راه الدين ماجاش غير باش تعيش به في الآخرة وكذا جا الدين باش تعيش به حتى في الدنيا - [00:13:31](#)

وان جميع اشكال الفساد من خمر وزنا وعري وكل الاشكال والخيانة الزندقة والإلحاد كل الأنواع ديال الفساد المتضرر الأول منها هو اللي فيه هداك بنادم اللي فيه هو المتضرر رقم واحد بها - [00:13:49](#)

كيضرر بها هو والمحيط ديالو اذن هذا من من الحمق ومن قلة العقل انه الانسان يكون غادي فهاد الاتجاه الانسان كينتأحرر ببطء ثم ملي كيدين راه كيكتسب مصالح في الدنيا من قبل الآخرة عندو سكيينة - [00:14:06](#)

ديال النفس عندو راحة عندها طمأنينة عندو توازن ديال الشخصية ديالو مقاد ومرتاح طيح عليه حجرة مدير لو والو يعني كنقصد حجرة من المصائب عافانا الله واياكم كييقي ثابت لأنه مرتبط بالإيمان بالله عز وجل مرتبط بالإيمان بالقضاء والقدر مرتبط بأنه ما ضرو الا اللي ربي تعالى كتبها عليه وما - [00:14:23](#)

فيه من المنافع الا اللي ربي تعالى كتبها كيرتاح كيحصلو واحد النوع ديال الراحة كنوجدو مثلا قلة الايمان في اوروبا عند النصرى بصفة عامة وحتى عند المسلمين اللي كيشبهو النصرى في الطبيعة دياهم عندهم الظاهرة ديال قلة النعاس منتشرة بزاف - [00:14:44](#)

كينعسو بالكينة كل الكينة الاولى ما يديهش النعاس عاود ياكل الكينة الثانية ما يديهش النعاس الثالثة ما يديهش النعاس الرابعة الخامسة كيموت بالكينا عداد وقع لهم هاد المصيبة هادي ديال هاد الكناية - [00:14:59](#)

كيبدا ياكل الكينة الكينة حتى كيتسمم بديك الكينة وكييموت بينما كتشوف الإنسان المسلم راه مليون فالزنقة غير يكفي انه جيوبو يكونوا مقلوبين ما عندو والو ونعاس كينعس بنادم المسلم فالكار وكينعس - [00:15:11](#)

فيما لقيتو تلقاه ناعس رغم انه يعني الدين او التدين ديالو ضعيف غير ديك البركة ديال الايمان فداك الشكل المشوه المعول كتكفي باش تعطيه واحد الحقنة بحال واحد ليبرا ديال السكيينة والطمأنينة - [00:15:25](#)

بين الطبيعة ديال المجتمع الإسلامي بهاد الشكل المعوج والمجتمع الغربي بصفة عامة باقي نذكر مزيان كنت فواحد البلاد عربية سودان وجا واحد الامريكي مسلم لثما كان شي مؤتمر تما وجا وخرج وجاب الناس السودانيين ناعسين في الزنقة لانه بلاد ديال

الحرارة هوما كينعسو بزاف - 00:15:40

بحال الصحراوي ينعسو في السطوحا وينعسو والو غير كيغفرش قندورة ولا عباية وتجبد فوقها وهو ناعس هو جا كانت فشي يعني
داك المؤتمر فيه بحال الدوا بحال شي دراسات وداكشي ملي جينا لواحد - 00:16:00

يعني دول او الحلقة من الحلقات ديال المؤتمر شتي هو الكلمة قالهم درت فالشوارع ديال العاصمة الخرطوم بنادم ناعس فينما لقيتو
واحد وانا ندور ما سمعتشاي الصوت ديال الطوموبيل ديال البوليس غادية كتغوت قال لو فنيويورك مثلا كل ثانية اسمع واك واك واك
واك يعني - 00:16:14

الدنيا فإرهاب وخطر وطوارئ ربعة وعشرين ساعة على ربعة وعشرين ساعة وفأني وقت من اوقات الليل معندوش الأمن معندوش
الطمأنينة معندوش الساكنة بقله الدين السودانيين مزاليط معندهم ميكلو يعني كاع داكشي لي متوفر فأمريكا ناقص عند السودان -
00:16:35

السوداني عندهم حاجة وحدة مسلمين صافي وهذا يعني في البلاد العربية والاسلامية كلها الحمد لله اذن هاد المنطق هذا راه مفيد
جدا باش نحيوه في نفوسنا ونحيوه في الناس. راه الدين عندنا فيه منفعة وعندنا فيه مصلحة - 00:16:55
نبنو بيه الأسر ديالنا والأعمال التجارية ديالنا والوظائف ديالنا كلشي تبني على الدين كترتاح ويرتاح لي عايش معاك فاذا هاد ثلاثة
ديال الامور قواعد ثلاثة بهاد الشكل خصها تكون يعني ثابتة حاضرة في الخطاب ديالنا الدعوي - 00:17:12
باش كيتكون عندو ثماره ويكون عندو تأثير ماضي ضروري يعني العبارات تكون بهاد الضبط هادا ولا انا قلت العبارات والكلمات ماضي
ضروري ولكن دوزو فالكلام ديالك بشكل او بآخر باش كتستطيع بإذن الله عز وجل تحدث واحد التأثير فالمتلقي لأنك كتخاطبو -
00:17:32

لب ديال المسائل لي هو عندو نقص فيها. او مكاينش لي معندوش نقص فيها. هادي دائما فيها النقص. المسألة الوجودية يعني
داك التفكير ديال الإنسان في الحياة والموت بنادم محتاج لو ديمتا حتى يموت ديمتا محتاجين لهاد الكلام وديما محتاجين لهاد المعنى
ولذلك لقينا القرآن - 00:17:52

غلب الصور والآيات والأساليب كيركزو على هاد القضية هادي بالضبط قضية الحياة الموت الآخرة. من سورة الفاتحة حتى قل اعوذ
برب الناس. ممتد هاد المعنى طول القرآن الكريم. اي انه محتاج لو بنادم قاري ما قاري - 00:18:12
تاجر او متقي صالح او طالح. واخا يوصل بنادم في الصلاح والتقوى والفلاح قداش ما يبغي يوصل دايما محتاج لهادشي. التذكرة
الاخرية تذكرة بالآخرة بالموت والحياة والمصير هي اللي كنسميها المسألة الوجودية الإنسان مسلما كان او لم يكن مسلما في حاجة
دائمة مستمرة الى هاد المعنى - 00:18:28

بأي شكل قدرت والإسلام حتى واحد ما يقولك انا كملت الإسلام عندي كمل الصلاة دايما محتاج تبقى تحسن وتحسن فيها الصلاة
دايما محتاجين نصحو ونحسنو نرقيو ونجددو كل الأعمال ديال الإسلام الصلاة الصيام الزكاة الحج دايما كتحنس بأنه خصك تزيد
وخصك تزيد تحك هداكشي وتصلو مزيان - 00:18:49

وكذلك المنافع تا واحد ما كيشبع منها عمر شي واحد ما يقول لك راني شبع من فلوس الدنيا ولا من الراحة ديال الدنيا والمنافع
الدنيوية حتى واحد ما كيشبع منها - 00:19:13
لو كان لابن ادم واد من ذهب ابتغى اليه ثانية ولو كان له واديان لابتغى اليهما ثالثا ولا يملأ جوف ابن ادم الا التراب طبيعة ديال بنادم
انه طماع هكاك خلق الله - 00:19:23

انه لحب الخير لشديد. الخير كيفما كان كل انواع الخير. خير المال وخير ولدي وخير الطعام والشراب وخير السكن خير الدنيا كلو
بنادم مجبول ومطبوع عالمحبة ديالو حب الخير شهيد. يعني هو معترف بداكشي وما يمكنش ينكرو. اللي نكرو كداب. اذا كتلقى بأن
هاد - 00:19:45

الخطاب هاد الكلام هذا متجدد ديمتا جديد عمرو ميقولك ايوا هادشي قديم لا ديمتا جديد هادشي هذا ديمتا جديد لأنه بنادم ديمتا

خاصو هاد الكلام هدا فإذا الموعظة احد امرين يا اما انك كيكون يعني القضية ديالك هنا بالضبط او شي حاجة اللي كتعلق بها الى هنا بالضبط را كتكلم بهاد - [00:20:26](#)

ولا شي حاجة كتعلق بها بحالاش مثلا بحال لاحضت واحد الانحراف فواحد وضع معين وبغيت دير معينة فداك الانحراف بالضبط مثلا لقينا واحد قوم اسرة او مؤسسة ولا كذا فيها واحد المشكل ديني جزئي سرقة او - [00:20:45](#)

تهاون ما يمكنلكش تجي لهداك المرض بالضبط وتبدا تكلم عليه بوحدو ما يوصلش وما يعطيش النتيجة باش تكلم عليه تكلم على هاد الأمور لي دازت عل الأقل وحدة فيهم باش دوز الخطاب ديالك لآخر باش يوصل لأنه القلب لي ينحرف علاش انحرف - [00:21:05](#)

منحرف الا لأنه تغبر بقلّة التدكير تتجي نتا وتكلم معاه على واحد الصلاح جزئي ما يسمع لكش خصك تشطبو بعدا من ديك الغبرة باش تشطبو بديك الغبرة تحيي فيه هاد الأركان بتلاتة - [00:21:28](#)

كل وحدة فيهم تعاود تجدد القابلية ديالو للسمع كتجدد القدرة ديالو على التقاط معاني الخير. ملي كتجدد فيه ديك القدرة وكأكد بلي راه ولي يلتقط كتصيفط لو ديك الساعة الكلام وبإذن الله تما يعطي الثمارة ديالو ويعطي النتيجة ديالو - [00:21:42](#)

مازال كندكر واحد المثال من الأمثلة العجيبة كنت قلتها للإخوان من قبل فمصر فمدة هادي كنت قريتها فواحد الكتاب كانوا شي ناس صالحين كيتحاكمو من المحكمة هادشي فتاريخ قديم يعني - [00:22:01](#)

اربعبينات المحكمة وجا المحامي المحامي هادا يقولو لو سعيد رمضان كان جا للمغرب رحمه الله الله سويسرا ماشي سعيد رمضان البوطي واحد اخر مصري. جا هو المحامي. ما دارش المرافعة ديالو بشكل قانوني بذاك الشكل اللي يعني هادو ما داروش والقانون كيحول - [00:22:16](#)

وهادوك تعديتو عليهم وها الفصل لا ما نتكلمش كاع فهاد الموضوع ولا يتكلم عالآخرة بحالا كيدير الدرس فالجامع كانوا شي ناس تما صالحين في المحكمة حباب وقراب ديال دوك الناس لي كيتحاكمو بداو كيتقطعو كيحولوا هاد المحامي هدا واش مخربق؟ شو حنا في الجامع راه يدير موعظة خصو يدير المرافعة ديالو ا صاحبي - [00:22:36](#)

الوقت لي راه كيضيع هادشي لي فهمو هوما وهو كيدير هو فالحقيقة كايين كيشطب القلب ديال القاضي باش يستقبل بعد ذلك نرفع الجلسة ثم من بعد حكم على المتهمين بالبراءة وقدم استقالته من القضاء وانخرط مع ديك الجمعية ديال دوك المتهمين هدا هو - [00:22:52](#)

مستشار ديال المحكمة امن الدولة ديال مصر فصار واحدا من الاسلاميين ديال مصر. بسبب مرافعة وحدة ديال سعيد رمضان الله يرحمو فإذا كنقول هاد الخطاب اللي كيمس عروق ديال القلب وكيجيي ويفيق داك العنصر لآخر اللي قلنا مركب فينا هو - [00:23:15](#)

الروح كتقوى الروح على البدن وينتصر حينئذ المؤمن للجانب الروحي على حساب الجانب المادي او الطين منه وذلك او الباب الواسع للتوبة الى الله عز وجل اقول قولتي هذا واستغفر الله لي ولكم والسلام عليكم ورحمة الله - [00:23:35](#)

اولا بعدا نتكلمو على القضية ديال كون يعني واش الإنسان الأمي الجاهل قادر يتكلم فهاد الموضوعات حنا قلنا نعم قادر يتكلم فهاد الموضوعات ولكن كيتمكن يعطي نتائج سيئة ماشي لسبب انه كيتكلم فهاد الموضوعات لا بسبب انه مكيطبقش - [00:23:52](#)

قواعد مزيان وانه كيخرج على الموضوع ديالو هذا هو السبب الرئيسي فهاد الانحراف اللي كيوقع وانا نقولك اشنو كايين بإذن الله اولاً كايين عندنا القضية الاولى وهي انه كيف يكون قادر يتكلم فهادشي هادشي ماشي - [00:24:09](#)

ماشى قراية. الموت ماشى قراية الموت حقيقة وجودية يعني كلشي الناس عندو اليقين بأنه غادي يموت وكلشي الناس كييعرف الموت من حيث انها منظر كيشوفو دائما وكلشي الناس خايف من الموت كل هاد المعاني كايينة وما كايينش اللي يقول لك ما خايفش كاع مية فالمية من الموت ما كايينش لا وجود له - [00:24:23](#)

كلشي الناس خايفين من الموت ولو كان هذا الرجل ورعا صالحا الله تعالى فشي حديث قدسي دكرو سيدنا محمد عليه الصلاة والسلام المعنى ديالو انه يقول الله تعالى فيه ما ترددت في شيء ترددي في قبض نفس عبدي المؤمن هو يكره الموت وانا اكره

هذا العبد المؤمن الصالح الوارع هو كيكره الموت وربّي تعالى مبالغيش يآديه ولكن خصو يموت لأنه قدر سيدنا موسى في الحديث الصحيح جا عندو ملاك الموت جمع معاه بطرشة يعني هادي فترة فبنادم. علاش هادشي فيطرة بنادم ؟ حنا قلنا علاش ؟ لأن فيه الجانب الروحي الروح خالدة ما كتبغيش الموت. البدن - 00:25:05

خصو يموت ولكن بما ان البدن فيه الروح والروح مخصوص يموت هداك الجانب الروحي فيك كيتور مبالغيش نموت فإذن هدا مستوي بنادم ما عندوش علاقة بالقراية هادشي غير جبد هاد الموضوع قضية الموت بوجود الحياة بنادم كيتأثر - 00:25:25 كيتأثر يعني بدرجات مختلفة واخا يكون الواعظ مقاريش غير يتكلم فهاد الموضوع كتلقا لي قاري جالس حداه يعني بدات عندو كيمن داك الدرس بالألفاظ وبالشكل لي راه يديرو الأمي ماشي هو لي راه كيتأثر مباشرة فنفس داك القاري لا كيمن توقع واحد الظاهرة وهو - 00:25:42

يجبد الموضوع لآخر كيبدا يدير الدرس فراسو. هداك لي قاري كيبدا يجبد الموضوع فراسو. ويدير الأسئلة لراسو خدام مع راسو ولكن شكون السبب؟ لي جبد الموضوع اذا هادي قضية ديال الموت والحياة والطبيعة ديال الوجود ديال الإنسان في الأرض القضية الأخرى الإسلام الإسلام هو اللي كيسميوه العلماء المعلوم من الدين بالضرورة - 00:26:02

من الناس بضرورة الشهادتين في الإسلام ضرورة الصلاة في الإسلام والزكاة والصيام والحج متساوي هذا كيسميوه ما لا يسع المسلم جهله يعني بصفتك مسلم ما عندكش الحق ما تعرفوش. ماشي بصفتك قاري لا بصفتك مسلم. والديك ملي ينبت الولد في البيئة ديالو في الأسرة وهو صغير صافي هادشي كيتعلمو مع الكلام - 00:26:22

على اللغة فيما يتعلم الدارحة ويتعلم الكلام باش كيعيش ويتعلم ياكل ويتعلم ينعس ويدير جميع الأمور الحياة ديالو وكيتعلم هادشي هادا هادا ما كيتعلموهش الناس فالقراية سير لواحد عمرو ما وطى فالمدرسة غادي تلقاه كيغرف هادشي هادا وكيعرف الخير وكيعرف الشر - 00:26:42

كيغرف منطق الخير اش هو؟ منطق الشر اش هو واي حاجة قولو هادي حقو ولا باطل نقولك اودي هادي باطل ولا يقولك هادي حق فالأمور الكبيرة كيتسمى امهات الفضائل وامهات الرذائل العلم بها مستوي لدى الناس لأن داير بحال الشتا ملي كطيح - 00:26:57 تا العمى كيحس بها ها كطيحلو فوق ضهرو واحد الحاجة اللي عامة فالناس كاملين القضية ديال المنفعة والمفسدة هادي قضية فطرية هادي يعني انسانية فالانسان الله تعالى لما تكلم عليها تكلم على الانسان ماشي على المسلم - 00:27:13

كما قال الله عز وجل وتحبون المال حبا جما. كاملين ما كانش كيتكلم على المسلمين على بنادم كاع كامل. فاذن فبنادم تقولو هادي كضرك وهادي كتنفحك كيقلب على اللي كتنفعو وكيرد البال ملي ضرو فيقو بيها - 00:27:30

ثم يعني هاد الأمور ديال السكينة والراحة والطمأنينة شحال من واحد قاري كيشوفها فواحد ما قاري كيلقاه مهني ومرتاح كيغبطو كيحسدو كيغول يعني الراحة والدنيا يعني كتلقاه مجموعة فيه شحال من بلية من بلد الدنيا مقاريش وما عندو فلوس بلايا الدنيا كاملة مجموعة فيه - 00:27:57

اش عندو عندو الإيمان بداكشي الأمي العامي اذن هذا خطاب خدام حتى هو مع جميع الناس. علاش ما كينجحش في بعض الحالات؟ ما كينجحش في بعض الحالات هو ملي كيولي الواعظ لي ما قاريش - 00:28:18

الشغل كيبدا يسحابلو كيغلط فراسو كيسحابلو راه قاري كيبدا يتحول من واعظ امي الواعظ المثقف ولا الواعظ علي ويبدأ يدير الشغل اللي ماشي شغلو كره عباد الله فيه نكره عباد الله في الدين ونكره عباد الله في الموعظة مدخلش في الموضوع لي ماشي سوقك - 00:28:32

واحد النهار باقي نذكر هادي مشاهد عديدة متواترة شفتها باقي نذكر كنت فواحد المدينة من قبل المحمدية وواحد دخل يدير الناس الموعظة فواحد الليلة اول حاجة بدا بها بدا الكارو حرام واحد العدد ديال الناس مسطرين حداه كيدخنو - 00:28:48 ما مشاش يشطب القلب بعدا كيما قلنا كيما دار داك المحامي. مشى للقارو نيشان حرام. او بقينا نديرو ركن التعارف دفلان نتا فلان نتا

قال لواحد انا عبد النبي. قال لو يا اخي هاد الإسم حرام - 00:29:01

هادي سميتها قلة الادب وقلة الحيا بعدا ها واحد ثانيا كتزيد تغلقو هو مكرم كتزيد طرقو. باش عمرو ميتحلك وسبحان الله تم دار فيه واحد المعلم معلم مقاريش الدين المعلم كيقرى الحروف قالو الفقيه الكارو حرام باش حرام؟ بدا يخربق؟ بدا يخربق صافي لأنه باش حرام خصك علم صحيح ماشي ساهل بالمعقول - 00:29:11

واجرة ما واعراش ما يجيش واحد العالم صحيح قد الجبل هو الإمام الشوكاني ويقول لينا الكارو حلال ما يغلطش فيها ما غلط فيها الشوكاني الا لأنها ولي حرمها من العلماء بحال القرضاوي محرمها الا بشق النفس يعني الاستدلال عليها باش تجيب الدليل على ان حرام صنعها صنعها حرفة اذن لي الواعظ - 00:29:39

كيدخل فالشبوط اللي ماشي شغلو غادي يكره عباد الله فالموعظة يكره عباد الله فعلا في موعظة فإذا انت كدير موعظة في الموت كدير موعظة في الحياة كدير في موعظة ان الإنسان مخلوقش ربي باش ييدا يلعب بقا تما - 00:29:59

ماتجبدشي الفتوى الصنعة ديال ماليها اودي سمح ليا انا غير كندكر نفسي او كندكركم هاد القضية نسولو عليها العلماء انا ماشي علي وكتسلك وكتواضع لدوك الناس والناس يزيديو يحبوك ويقبلو كلامك فراه الغلط الكبير والمشكل الكبير لي كيوقع في الجهال لما يديرو - 00:30:14

انهم كيبداو يدخلوا فالشغل اللي ماشي شغلهم الشيطان سنستدرجهم من حيث لا يعلمون كيحي الشيطان باغي يخسر لو شغلو اش كيديرو كيبدا ينفخو قولو شوف الناس تصنتو ليك ايوا راك واقبلا لا فقيه نيت بصح ويبدأو مرافقين هو ماشي فقيه وكيبدا يدير الشغل ديال الفقيه را هادي هي المشكلة الكبيرة لي عند الوعاظ - 00:30:35

نعرفو الناس كاين اللي بعقلو وكيدر الموعظة ويحبس فيها وكاين اللي كيغلط كيرد راسو فقيه كيكرهو الناس والله اعلم اللولة يكون صالح هادي ضرورية ضرورية منقولوش ورع ورع بزاف عليه - 00:30:55

ماشي زعما بزاف علينا يمكن يكون لأن كاين الورع وكاين التقوى. الورع شي حاجة كبيرة التقوى هو المعدل التقوى خصو يحصلو الإنسان اجتناب الكبائر هذا هو التقوى. اجتناب الكبائر والورع هو اجتناب الشبهات - 00:31:10

الصالحين كيقلو انا اضاع انا اترك عفوا بيني وبين الحرام سترة من الحلال ولا احرمها بحال الحرام مثلا راه هو من داك حيث لهيه انا ندير واحد ثلاثة ميترو بيني وبين داك الحيط منزطمش فيها. هاد ثلاثة ميترو لي بيني وبين الحيط حلال ولكن مندوش فيها لأن كنخاف نوصل لحدا الحرام - 00:31:25

غانطيح فيه كانراعي حول الحمى يوشك ان يقع فيه كاتجي وكاتقولو اودي شوف رد بالك هاد الخفت راه هو الفاصل بين النار والجنة اسيدي انا باغي نمشي غير فوق هاد الخط - 00:31:45

اذن هذا انه كيكون مضطر حينئذ للالتزام التقوى يعني اش هي التقوى؟ كيرد البال يحضي راسو فإذا التقوى ضروري مناقشوهش كاع والورع بنادم يجتاهدلو يعني يدير النية ديالو وربّي تعالى يكمل علينا وعليكم كاملين باش الإنسان يحصل فعلا هاد المعنى ديال الورع - 00:31:57

طيب اذن بعد التقوى هذا شرط انسان يأتي المنكرات بوعد الناس هذا غير معقول اطلاقا تما ما عليه الا الدمار هو والاعمال ديالو والعياذ بالله الأمر الثاني ديال يعني الثقافة - 00:32:15

اول شيء خصو يتعلم لو شي بركة د القرآن وشي بركة الحديث قبل ما نجي نقرا الكتب وخا غير ايات قليلة غير شي سور قليلة ولا ايات قليلة راه يخدم بها حياتو كاملة قداش ما بقى لو الوقت وقد يزيّد شوية - 00:32:28

را اللي حافظ قل هو الله احد راه يدير بها الموعظة حياتو كاملة وما تساليش قل هو الله احد وما تسالوش الموعظة ديالو الى كانت عندو النية الصالحة راه كل مرة ربي تعالى يفتح عليه ببركات من بركات قل هو الله احد وقداش ما زاد ما عندو الا الفضل شوية ديال الحديث هاديك الأربعين النووية راه - 00:32:43

فيه حتى يموت حتى يموت حياتو كاملة الأربعين النووية هي كدا وربيعين حديد بجوج وربقات لا اقل ولا اكثر اذن هذا حد ادنى

كافي وزيادة المجال ديال العلم. واللي ربي تعالى فقه وعادو فالعربية وعندو وقت شوية مرة مرة وقرا مرة مرة شي كتاب ولا شي حاجة راه مزيان. قداش ما زدت تعطي اكثر - [00:33:01](#)

الحمام تا هو الى ماکلة مايقدر يزق ولادو لابد مرة مرة ياكل المسألة الأخيرة لا يتدخل فيما يعني هي هادي لي كنا يدخل في الحاجة لي ماشي سوقو ولا مجبدهاشاي المقام ولي ميعرفلهاش لي معرفلهاش ميدخلش فيها طلاقا - [00:33:21](#)

اي والله اعلم واخا متافقين هو فرق دابا الخوف من الموت ماشي هو فيه جوج ديال الامور كاين الخوف من الموت من حيث يموت والخوف من ما بعد الموت الخوف مما بعد الموت الإنسان الصالح - [00:33:36](#)

كيغلب الرجا فالله يغلب الرجاء في الله عندو الخوف هو الرجاء كييدا خايف لأنه ما يطمئن مزيان تيحط رجلو فالجنة فإذن كييقي يخاف من جهنم ما حدو ما ضمن الجنة كيخاف من جهنم - [00:33:51](#)

ولكن انا عند ظن عبدي بي الا ظنيت في الله الخير ما عندك غير الخير فدايما الرجا في الله غالب في الدين هذا فيما بعد الموت ولكن الموت كحداث هو اللي - [00:34:05](#)

انا قبيلة ما نتكلمش على ما بعد الموت. لأن مني نتكلمو على الكفار ما يمكنش الكف تقولو الجنة. هو ما عندو جنة ما كيأمنش بها كاع. ولكن يآمن بالموت بسيف عليه امن بالموت. لأن غادي يجي فواحد النهار. فالموت - [00:34:15](#)

انا ولد قبيلة مشترك ما كاينش اللي ما غاديش يموت وما كاينش اللي ما عارفهاش وماشي ما عارفهاش ما عندوش اليقين بها كلشي البشر عندو اليقين هادا هو اليقين اللي مقادين فيه - [00:34:25](#)

كاملين اليقين ديال الموت كلشي غيموت هادي غير الموت كونك غادي تحول من عالم العالم وهاد البدني ولي تراب هادي مكائش لي مكيافش منها لي قال مكيافش منها كيكدب على راسو كلشي كيخاف منها - [00:34:35](#)

واحد الحالة حالة وجودية غريبة يعني كتزلزل بنادم بنادم ولف هنا حياة وولف وليدات وولف حباب وولف خوت على سيدنا محمد ما بكاش على سيدنا ابراهيم ولدو الموت كان كيقول النبي صلى الله عليه وسلم اللهم هون علي سكرات الموت وان للموت لسكرات وبننتو كتبكي حداه وهذا سيد الاولين والآخرين - [00:34:47](#)

ولكن ما رفسدشاي اللهم لداكشي اللي مور الموت كتقولو بنت وا كرباه عليك يا ابتاه كيقول له ولا كرب على ابيك بعد اليوم غير دابا البصلة هي هادي دابا غي دوز هادي راني تهنت فالموت اذن كحدث مشكل - [00:35:11](#)

واعر. نطلبو الله تعالى يسهل علينا وعليكم. المسلمين اجمعين. ولذلك له اثر الله اعلم هداك الإنسان لي كينتحر مزيان هدا سؤال مهم جدا حتى شي واحد مكينتحر او كيكون فحالة طبيعية عادية اطلاقا الإنسان سبحان الله - [00:35:26](#)

سلف اطره على حب الحياة. فترة فيه طويعة فيه ومحب للحياة والدليل على ذلك ان بنادم عندو داك اللي كيسميوه رد الفعل رد الفعل التلقائي الى نغزاتك شي حاجة كدير هاك - [00:35:41](#)

هادي فترة فبنادم الى شفت الحية كتخاف منها اذن كيشوف بنادم الخطر الحقيقي ويتحقق بأنه خطر او واخا يكون خطر وهمي ولكن هو بانلو خطر كيخاف فإذا بنادم يرمي راسو فحافة ويموت - [00:35:56](#)

شي حاجة مبقاتش عندو مقادة شي حاجة طاحتلو شي شي مسمار فالموطور ديالو مبقاش خدام ولذلك لا ينتحر فعلا الا انسان اللي وصل والعياذ بالله اليأس اليأس واليأس القاتل صفة من صفات الكفر انه لا ييأس من روح الله - [00:36:11](#)

ويلا وصل بنادم لهاد اليأس والعياذ بالله كيمرض مكيبقاش طبيعي وينتحر فالله تعالى نهانا عن اليأس لأنه قد يؤدي الى الإنتحار ولا تياسوا من روح الله لأنه تياستي تتسد غادي تعمى وما تبقى - [00:36:35](#)

تعرف بلي ضرك مني تنفك بحال بنادم لا قدر الله الله يستر كيتخدر صافي مكيعرف اش كيدير فربي تعالى نهاك عل الحاجة لي تغيب لك العقل دياك الى شي واحد رمى - [00:36:55](#)

راسو فحافة وهو مضروقي شارب المخدرات يمشي لجهنم ما يقولوش اودي راه كان العقل ديالو غايب لا ولكن شكون لي غيب العقل؟ نتا كتقلب عليها تا مشي تشرط المخدرات او غا بعقلك او تيحط راسك فكذلك اليأس راه مخدر من المخدرات - [00:37:05](#)

كياس كياس تيوصل لدرجة يعني الإنغلاق كيفقد القدرة على التمييز وكيبدأ يتصور وهم انه الموت عندو فيها وكيمشي للراحة ديالو هو مشى والعياذ بالله غي للعذاب ولا يكون جاب الله اللي يبصرو وتبصر كيفيق من القلبة كيلقى راسو راه كان غلط غلط كبير فلذلك - 00:37:19

عمر المنتحر مكيكونش فحالة طبيعية كتكون حالات يا اخي غريبة بحال داكشي ديال هادوك اليوغا ودوك الهنود وداك التخريب را داكشي لي منتشر في امريكا بالضبط كايين اشكال متعددة كيتلبسو كيتلبسو بالجن المهم مكنكونش حالات طبيعية بحال دابا الهنود واحد الهندي حرق راسو الشارع العام في نيودله حرق راسو - 00:37:39

كيدير العبادة كيكون ملبوس بالشيطان لعنه الله. تنشد فيه العافية ويخرج منو الجن ويخلي باباه يتقطع بها. تا يكون قدام مزيان ويخرج ويخليه. ما كتكونش الحالات الطبيعية باختصار جميع حالات الانتحار مكنكونش حالات طبيعية اطلاقا كتكون حالات غير عادية ماشي طبيعية كيكون بنادم خرج من الطبيعة البشرية ديالو - 00:37:59

استشهاد هداك عاود حالة خرى الانسان عاود كترفع الروح لواحد الدرجة كتغلب البدن فكيولي بنادم غلب المآل الاخروي وكيكون عندو يقين بالايمان بانه حرارة الموت والانتقال وداكشي ادوز يعني ببساطة في الحديث لا يجد الشاهد من الموت الا كما يجد احدكم من لسع النحلة او قرص النحلة او كما قال عليه الصلاة والسلام والله اعلم على كل هذا كيكون واحد الاعداد - 00:38:17

نفسى معين ايه صحيح كافر كافر غير هو هاد كافر ماكانفهموش حنا المسلمين ماكانفهموش واش هي كافر كافر يعني بالنسبة للتصنيف الاجتماعي ديالها ماشي هو التصنيف الديني ديالها فالمسيحي كيقول المسلم كافر تا حنا را حنا كفار بالنسبة ليهم -

00:38:43

واليهود بالنسبة ليهم حنا كفار وهما بالنسبة لينا حنا كفار الى اخره اش هو الكفر؟ الكفر هو الإنكار هذا هو المعنى ديالو في العربية كفر الشيء غطاه نكرو فهو كفار يكفرون بالله بداكشي لي ورد لينا حنا ويكفرون بمحمد عليه الصلاة والسلام مكيأمنوش بأنه نبي لأنه لا امن بأنه نبي مبقاش كدا - 00:38:59

كيتسمى ديك الساعة تا ايلا كان عوج سكايري مخرب كتقولو فاسق متقولوش كافر معندكش الحق مادام اي واحد كيقول لا اله الا الله محمد رسول الله يدير لي بغا راه مسلم معندكش الحق تكفرو نهائيا فاسد - 00:39:19

قل فيه اللي بغيت واخا مايديرش اركان الإسلام مادام كيدير وحدة هي لا اله الا الله محمد رسول الله ما يصلي ما يزكي ما يصوم ما يحج ويدير الموبقات كاملين مسلم لا يكفر مسلم الا باحدى ثلاث هادي في القواعد ديال التكفير ان يصرح بالكفر والكنكات -

00:39:33

كتقولو الله يربح يعني هو بغاها الله يهنيه ما عندك ما دير لو ان يصرح بالكفر او ان ينكر معلوما من الدين بالضرورة. اش هو الإنكار المعلوم من الدين بالضرورة؟ يقول لك اودي الصلاة ما كايناش في الإسلام. ماشي ما كيصلش. فرق بيناتهم ما كيصلش وكيقول -

00:39:49

الصلاة الإسلام فيه الصلاة ولكن مانصليش ماشي كافر ولكن نقولك الصلاة اودي ماكايناش قاع غي نتوما زدتوها ينكرها اه هادا كافر انكار فرق بين والإنكار اذا انكر فهو كافر اذا لم ينكر ولكن هو معكاز كسلان عاجبينو البسالات هداك فاسق صافي متقولوش كبير ان ينكر - 00:40:04

معلوم من الدين بالضرورة الثالثة والأخيرة ان يقول قولاً او يفعل فعلاً لا يؤول الا بالكفر يدير شي هوا ما هضرشي ولكن كي يدير شي بسالات اللي كا تعطيك اليقين بانه كافر - 00:40:24

بحالاش مثلا الفعل ديال السحرة الصحرا الصحاح من الشروط ديالهم انهم كيتكرفصو على المصحف يتبولون عليه اعزكم الله ولا يدير فيه شي فضيحة هذا فعل هذا دار واحد واخا يقول لا اله الا الله محمد رسول الله عشرين الف مرة. هذا كافر. ان يفعل فعلاً او يقول قولاً. لا يؤول الا بالكفر. اما الفعل ديالو - 00:40:39

قول شي كلام عاود غليض قدو قداش كيبان لك هاد الكلام هذا ديال الكفار ماشي ديال المسلمين وما عدا ذلك فهو مسلم وان كان

فاسقا او عاصيا يعني يدير لي بغا راه مسلم - 00:40:58

واحد الحديث سبحان الله العظيم هاد الصباح قريتو. كل الناس فريقان فريق في الجنة وفريق في النار الا امتي فكلهم في الجنة. سبحان الله العظيم. الحديث ولكن ماشي المعنى ديالو زعما راه كلشي في الجنة يدخلو في البداية لا كاين لي غيدوز نهار يومين شهر عام نطلب الله العافية ويعاود يدخل للجنة هذا المعنى ديالو يعني المآل - 00:41:10

المآل ديال الأمة الإسلامية فنهاية المطاف كلشي يرجع للجنة تا واحد ما يبقى فجهم ان شاء الله الرحمان الرحيم السلام عليكم ولكن را غي دقيقة فيها الله ينجينا وينجيكم راه يعني مصيبة وصافي - 00:41:30

ان يوما عند ربك كالف صلاة مما تعدون لي دوزو فيها هاد النهار زعما انا دوز فيها خمسمية عام فنهار جهنم الله ينجينا وينجيكم اللي ما تشبه لها نار الدنيا لا من قليل ولا من كثير - 00:41:42

يدخلنا للجنة برحمتو ما نشموها ما ندوزو عليها وهما كفار زعما باش نكملك هاد القضية الكفار ولا عندها واحد في الاجتماع يعني ولا عندها معنى قبحي وهي معندهاش معنى قدحي بالضبط هي معنى عندها معنى مفهوم للتصنيف - 00:41:53

كفير بحالا قتلنو نصراني بحال بحال لقد كفر الذين قالوا ان الله ثالث ثلاثة هما النصارى اذن كافر يعني واحد الصنف اخر من غير المسلمين كافر ماسبيتوش الى قتلنو السكافير راك ماكاتسبوش - 00:42:07

ماشي معنى كتسبو ولا شي حاجة مع الأسف المفاهيم الدينية بزاف يعني عدم التداول دياها خلاها اما تحرفت بدات مشوهة او انها مبقاتش عندها معنى مزيان بحال هاد دابا المصريين نايسة عندهم واحد الضجة كبيرة علاش؟ لأنهم كاين بعضهم اللي كينادي باش يعني يتكلموا مع النصارى دياهم بأنهم هلو ذمة هم النصارى واليهود - 00:42:20

المجتمع الإسلامي اهل ذمة هاد اهل ذمة كتجي زعما عندهم شي حاجة اللي قبيحة هادو كالو الذمة وهي ماشي قبيحة بالعكس بالعكس تماما يعني عندها معنى مخير كاع يعني حنا - 00:42:40

المغاربة عندنا ديك الذمة عندها معنى ايجابي المصريين لا الذمة كتقول هادي على مذمتي هادي هي زعما راني ضامننا هادوك اهل الذمة راهم مضمونين تا واحد ما يمسههم راه المسلمين اللي قاسهم اللي قتلوهم اللي سرق لهم شي حاجة يعني عبارة ديال التكريم والتعزيز والحماية والكفر المهم ما دايراش لك مثال بأن - 00:42:50

عدم التداول دياها واما تداولت بواحد الشكل او مبقاتش كتداول تا ولات يعني المعنى دياها مشى فخطرة ولا تحرر ف المعنى دياها كفر تصنيف من كفر كفر والله اعلم وبينهم الشرفا من التركة فقد كفر هذا الترك لا لا ما اولو الحديث قالو اودي من تركها فقد كفر اي شاب الكفار في - 00:43:10

ماشي كفر عقيدة هذا اجماع بين الأئمة كاملين ابو حنيفة ومالك والشافعي واحمد بن حنبل على عدم تكفير تارك الصلاة فيها نقاش طويل وكاين بعض هاد الزمان دابا لي يكفرو تارك الصلاة وكيفهمو غير الحرفية ديال الحديث مكيفهموش المقصد الشرعي -

00:43:30

هذا مخالف لأصول التكفير. والله اعلم. الزكاة ا سيدي العلماء درسوا واش تعطى ليهودي ولا ما تعطاش اليهودي؟ فما بالك المسلم؟ لا اطلاقا. الله تعالى الفقرا والمساكين ما قتلش المسلمين اطلاقا العاملين عليها المؤلفات قلوب شكون هما المؤلفات قلوبهم؟ المؤلفات قلوبهم هو لي عاد سلمو باقين واقبلا - 00:43:48

باقين باغين يرجعوا للكفر دياهم يعني الدين دياهم غير شوية هادوك هما المؤلفات النبي صلى الله عليه وسلم كان كيدور معاهم باش يبقاو مسلمين يعني هذا مسلم لارب وكتعطالو الزكا لا بالعكس تماما منطق الدين كلو ضد - 00:44:08

الكلام هذا عطى الزكا لأي واحد كيقول لا اله الا الله محمد رسول الله زين ما ميزانش اللهم سمحلي ايلنا نتا كتعرفو كتعرفو مزيان بأنه انسان غادي تعطيه دوك الفلوس وغادي يصرفهم في الباطل والحرام والمنكر ماتعطيهمش - 00:44:21

واحد السكايري ما فيه ما يتشاف عطيههم لوليداتهم ما تعطيهملوش ولكن ايلما ما عارف حد غمض عينيك وعطي في سبيل الله ما فيها غير الخير ولايني شاد الدين احد الا غلبه - 00:44:38

المغضوب عليهم ولا الضالين ايوا اسيدي هادي مسألة كترجع للتاريخ ديال اليهودية وتاريخ النصرانية ماشي لدابا معندهاش علاقة بدبا دابا عندها علاقة بدابا متافقين ولكن باعتبار ان هاد العصر هادا هو امتداد للأصل ديال اليهودية والأصل ديال النصرانية اليهود كانوا كيشوفوا آيات الله تعالى وكينكروها - [00:44:48](#)

كيتعاندو مع ربي تعالى. يعرفون الحق معرفة اليقين وينكروه. سيدنا موسى قالهم دبحو بقرة عارفين بأن الله تعالى قالهم دبحو بقرة قالوا لو كيدايرة قال لهم اودي راه ما صغيرة ما كبيرة عاود قالوا لو اللون ديالها قال لهم اودي راه اللون ديالها صفر ناصح عاود قالوا لو كيدايرة بقاو - [00:45:08](#)

حينيو ربي جعلك يزيد يمنهم فكانو كيديرو الحيلة مع الله تعالى كانوا خبتا قالهم متصيدوش نهار السبت رماو الشباك نهار الجمعة كيجمعوهم نهار الحد كيصدقو مصيدين نهار السبت كيديرو الحيلة مع الله بحالا الله ماكيشوفش سبحانه وتعالى غير هاد ليامات شي يومين هادي شفت في التلفزيون واحد حاخام كبير ديال ليهود ديال هاد الزمان اصلو قالك عراقي - [00:45:28](#)

كلهم ان الله تعالى الله تعالى راه ندم لي خلق العرب. وا شوفي هداك الويل هداك الخنزير. جايينو فديك الهم الاداعة ديال الجزيرة مع الاسف. قالك الله تعالى ندم ملي خلق عرب ورا كيتأسف انه خلق العرب. تمنى تمنى بهاد العبارة انه ما خلقوش. تمنى لو لم يخلقهم - [00:45:48](#)

الله جعلها كيندم عليها فهادو سبحانه وتعالى زعما بحالا غلط ملي خلق العرب. يهود يهود يعني مجرمين ولاد الحرام زعما ولذلك غضب الله عليه ولعنهم ثم كانوا كيقتلوا الأنبياء دياولهم عدد ديال الأنبياء قتلوا اليهود مقتلوش المسيح طبعاً بغاؤ يقتلوه ولكن مشدو هوش شدو واحد اخر شبه ليهم قتلوه ولكن قتلوا زكريا النبي قتلوا - [00:46:07](#)

قتلوا يحيى قتلوا يونس بن مته ايه قتلوه فنهاية المطاف قتلوه عداد ديال الأنبياء وتقتلون النبيين بغير الحق قتلوا انبياء بزاف فالجرائم دياولهم ما عندها اعداد ولا حساب فإذا هذا الأصل ديال الغضب غضب الله تعالى غضب عليهم بكري من النشأة - [00:46:27](#) وامتد الغضب الى الان ما عندوش علاقة بهاد العصر بمعنى انه ماشي عاد دابا داكشي امتداد قديم والنصارى تلفوا هداكشي هادي هي المعنى ديال ضلو ولكن ماشي معندها دباد هوما ضالين دبا ولكن البداية بكري تلفوا لأنه المسيح عليه السلام سيدنا عيسى جاب ليهم الإنجيل لي هو كتاب الله - [00:46:44](#)

الله ديال ديك الزمان وقراه لهم ولكن وهداكشي من قدر الله عز وجل الصحابة دياولو دياول سيدنا عيسى لي كيتسماو الحواريين هاديك الإنجيل وكانت ديك الساعة الوسائل ديال الكتابة ماشي بحال الزمن لي جا من بعد ولكن النقل دياولهم مكانش مضبوط مزيان كانوا كينقلوا الكلام - [00:47:04](#)

بمعنى ماشي بالحرف ترفع المسيح عليه السلام الى السماء رفعوا الله تعالى والنصارى تلفوا كيقبلوا على الانجيل ما لقاهو لقاهو هادا عندو انجيل فشكل وهاد الحوارى يعني صحابي عندو انجيل فشكل هدا عندو انجيل فشكل كل واحد عندو انجيل فشكل ولاو كيقراو وكيزيدو من راسهم كيقرا كيزيد من راسو - [00:47:24](#)

وتلفوا فظلوا واضلوا تلفوا ولذلك سبحانه الله العظيم لما كتجيب الدعوة الاسلامية فهاد الزمان ليهود مكيسلموش الا على الندود الشديد جدا والنصارى فكتير من الأحوال كيسلمو لأن النصراني غي تالف ايلا عرف الحق وعرفو مزيان فغالبا الأحوال - [00:47:44](#) الله تعالى الا الى ربي تعالى كتب عليه الكفر كيبنى فالكفر دياو والله اعلم سبحانهك اللهم وبحمدك نشهد ان لا اله الا انت نستغفرك وتتوب اليك عملنا سوءا وظلمنا انفسنا فاغفر لنا فانه لا يغفر الذنوب الا انت - [00:48:04](#)

سبحان ربك رب العزة عما يصفون وسلام على المرسلين والحمد لله - [00:48:15](#)